



以今日恐懼之心。永為異時暇逸之戒。

趙景緯對寧宗曰。惕厲祇懼。乃天心之所存。聖人先處於憂。故能無憂。先處以危。故能無危。若先自處於安。則憂危乘之矣。

元五行志曰。天地之氣無感不應。天地之應亦無物不感。而况天子建中和之極。身為神人之主。而心範圍天地之妙。其精神常與造化相流通。若桴鼓然。

高廟曰。所謂敬天者。不獨嚴而有禮。當有其實。天以子民之任付於君。為君者求欲事天。必先恤民。恤民



者。事天之實也。

張昇上疏曰。應天之實。有大本。有急務。大本在心。急務在政。

### 法祖

五子歌曰。明明我祖言萬萬邦之君。有典有則。貽厥子孫。

關石和均。王府則有。閔通和平均石一天下輕重皆言祖宗法度貽後者荒墜

厥緒。覆宗絕祀。○胤征曰。聖有謨訓。明徵定保。先王

克謹天戒。臣人克有常憲。百官修輔。厥后惟明明。○

伊尹明言烈祖之成德。以訓于王曰。古有夏先后。方

太甲曰視乃烈祖無時豫怠

懋厥德。罔有天災。山川鬼神亦莫不寧。暨鳥獸魚鱉

盤庚曰後復先王之尤崇

咸若于其子孫。弗率。皇天降灾。假手于我。○先王敷

綏四方。蔡仲曰無作聰明亂舊章。頌命曰

求哲人。俾輔于爾後嗣。制官刑。儆于有位。曰。敢有恒

率循大下。寧家天下。君牙曰

舞于宮。酣歌于室。時謂巫風。敢有殉于貨色。恒于遊

考乃曰服無忝祖

畋。時謂淫風。敢有侮聖言。逆忠直。遠耆德。比頑童。時

謂亂風。惟茲三風十愆。卿士有一于身。家必喪。邦君

有一于身。國必亡。聖謨洋洋。嘉言孔彰。○太甲曰。密

邇先王其訓。無俾世迷。○君罔以辨言亂舊政。○說

命曰。監于先王成憲。其永無愆。○微子命曰。乃祖成

湯曰雖無考成  
人尚有典刑

湯功加于時。德垂後裔。爾惟踐脩厥猷。○太甲曰。祗爾厥辟。辟不辟。忝厥祖。王惟庸固念聞。○弘乃烈祖。○立政曰。以覲文王之耿光。以揚武王之太烈。○君

牙曰。率乃祖考之攸行。昭乃辟之有乂。  
大雅文王曰。無念爾祖。聿脩厥德。○儀刑文王。萬邦作孚。○大雅下武曰。世德作求。永言配命。○永言孝思。昭哉嗣服。繩其祖武。受天之祜。○烝民曰。續戎祖考。  
戎汝○我將曰儀。式刑文王之典。日靖四方。

魯頌曰。允文允武。昭假烈祖。靡有不孝。自求伊祜。

祭統曰。古者明君。爵有德而祿有功。必賜爵祿於大廟。示不敢專也。○顯揚先祖。所以崇孝也。其先祖無美而稱之。是誣也。有善而弗知。不明也。知而弗傳。不仁也。

左傳。宋殤公立十年。十一戰。民不堪命。督為大宰。因民之不堪命。而弑殤公。以郕大鼎賂公。戊申。納于太廟。非禮也。臧哀伯諫曰。君人者。將昭德塞違。以臨照百官。猶懼或失之。故昭令德。以示子孫。是以清廟茅屋。大階越席。大羹不致。粢食不鑿。昭其儉也。衮冕黻

珽帶裳幅舄。衡紘紘紘。昭其度也。藻率鞞鞞。鞞厲游  
纓。昭其數也。火龍黼黻。昭其文也。五色比象。昭其物  
也。錫鸞和鈴。昭其聲也。三辰旂旗。昭其明也。夫德儉  
而有度。登降有數。文物以紀之。聲明以發之。以臨照  
百官。百官於是乎戒懼。而不敢易紀律。今滅德立違。  
而寘其賂器於太廟。寘古以明示百官。百官象之。其  
又何誅焉。國家之敗。由官邪也。官之失德。寵賂章也。  
郜鼎在廟。章孰甚焉。武王克商。遷九鼎于雒邑。義士  
猶或非之。而况將昭違亂之賂器於太廟。其若之何。

不聽。

也。珽音挺。大圭長三寸。紘音延。又音緘。冕前後垂

刀飾。率音律。鞞音盤。紘音帶。厲大帶。垂游音留。旗音游。錫音揚。在馬額。鸞在鑣。和在衡。鈴在旂。三辰日月星。

史。井龍告秦孝公曰。聖人不易。民而教。智者不變。法  
而治。因民而教。不勞而成功。緣法而治者。吏習而民  
安之。

漢韓安國諫伐匈奴曰。利不十者不易業。功不百者  
不變常。是以古之人君。謀事必就祖。發政占古語。重  
作事也。

楊終上章帝疏曰。魯文公毀泉臺。春秋譏之曰。先祖

古今類聚  
為之而已毀之。不如勿居之而已。以其無妨害於民也。襄公作三軍。昭公舍之。君子大其復古。以為不舍則有害於民也。  
魏明詔曰。尊嚴祖考。所以崇孝表行也。追本敬始。所以篤教流化也。

唐辛替否上睿宗疏曰。太宗陛下之祖。其治如彼。中宗陛下之兄。其亂如此。若法太祖太山之安可致也。法中宗累卵之危亦可致也。何為忍棄太宗之治本。不忍棄中宗之亂階。忍棄太宗長久之謀。不忍棄中

宗短促之計耶。

宋司馬光對神宗曰。使三代之君常守禹湯文武之法。雖至今存可也。漢宣取高帝約束而紛更之。盜賊徧天下。元帝守孝宣之政。漢業遂衰。由此言之。祖宗之法不可變也。且天下譬如居室。敝則修之。非大壞不可更造也。

羅豫章曰。祖宗法度不可廢。德澤不可恃。廢法度則變亂之事起。恃德澤則驕佚之心生。自古德澤最厚。莫若堯舜。向使子孫可恃。則堯舜必傳其子。至於法

度則莫若周家之最明。向使子孫世守，則歷年至今猶存可也。

勤政

乾文言曰：君子進德脩業，欲及時也。○象曰：終日乾乾，與時偕行。○大有彖曰：其德剛健而文明，應乎天而時行。○蠱元亨，利涉大川。先甲三日，後甲三日。先甲，辛也。後甲，丁也。言更新而丁，寧不尚。○象曰：君子以振民育德。○臨象曰：君子以教思無窮，容保民無疆。○井象曰：君子以勞民勸相。○兌爻曰：先庚三日，後庚三日。先庚，丁也。後庚，癸也。

丁寧揆度而去，敝以從新也。

益稷謨帝歌曰：元首起哉，股肱喜哉，百工熙哉。皋陶稽首，颺言曰：率作興事，慎乃憲，欽哉。屢省乃成，欽哉。乃賡再歌曰：元首明哉，股肱良哉，庶事康哉。又歌曰：元首叢脞哉，股肱惰哉，萬事隳哉。○兢兢業業，一日二日萬幾。○太甲曰：先王昧爽，丕顯，坐以待旦。○說命曰：非知之艱，行之惟艱。王忱不艱，允協于先王，成德。○旅爇曰：夙夜罔或不勤。○洛誥曰：明作有功，惇大成裕。○梓材。王曰：若稽田，既勤敷蓄，惟其陳修為。

厥疆畝。若作室家。既勤垣墉。惟其塗墍茨。若作梓材。

既勤樸斲。惟其塗丹雘。墍音寄以泥仰塗也。○勤用明德。○予

造天役。遺大投艱于朕身。越予冲人。不印自恤。印音昂望

也庶。○無逸曰。君子所其無逸。○治民祇懼。不敢荒

寧。○文王卑服。即康功田功。自朝至于日中。曷不遑

暇食。用咸和萬民。○周官曰。予小子祇勤于德。夙夜

不逮。仰惟前代時若。○怠忽荒政。○功崇惟志。業廣

惟勤。○秦誓曰。我心之憂。日月逾邁。若弗云來。

衛文營楚丘曰。定之方中。作于楚宮。揆之以日。作于

楚室。○靈雨既零。命彼倌人。星言夙駕。說於桑田。倌音

說音稅止也。○鷄鳴曰。鷄既鳴矣。朝既盈矣。匪鷄則鳴。蒼

蠅之聲。○庭燎曰。夜如何其。夜未央。庭燎之光。君子

至止。鸞聲將將。○小宛曰。人之齊聖。飲酒溫克。彼昏

不知。壹醉日富。甚也。各敬爾儀。天命不又。我日斯邁。而

月斯征。夙興夜寐。無忝爾所生。○角弓曰。君子有徽

猷。小人與屬。○文王曰。文王有聲。適駿有聲。適求厥

寧。適觀厥成。文王受命。有此武功。既伐于崇。作邑于

豐。○民勞曰。惠此中國。以綏四方。○緜曰。迺慰迺止。



廼左廼右。廼疆廼理。廼宣廼畝。自西徂東。周爰執事。  
言太王○江漢曰：江漢之游。王命召虎。式闢四方。徹

我疆土于疆于理。至于南海。王命召虎。來宣來旬。文  
武受命。召公為翰。無曰予小子。召公是似。肇敏戎公。

戎汝用錫爾祉。○魯頌曰：於皇武王。無競維烈。○勝

殷遏劉。耆定爾功。無競言莫與比並者音祗致也。遏止也。劉殺也。○魯頌曰：

思無疆。思馬斯臧。思無斁。斯馬斯作。○商頌曰：自古

在昔。先民有作。溫恭朝夕。執事有恪。

左傳曰：君子有四時。朝以聽政。晝以訪問。夕以修令。

存以安身。○楚自克庸以來。其君無日不討國人而

訓之。于民生不易。禍至之無日。戒懼之不可以怠。在

軍無日不討軍實。而申儆之。于勝之不可保。討尋也。○

子西謂諸大夫曰：昔盬廬。食不二味。居不重席。室不

崇壇。器不雕鏤。宮室不觀。舟車不飾。衣服器用。擇不

取費。天有災厲。親巡孤寡。而共其乏困。勤恤其民。而

與勞逸。是以民不罷勞。所以敗我也。今聞夫差居有

臺榭陂池。馬宿有妃嬙嬪御。馬一日之行。所欲必成。

玩好必從。珍異是聚。觀樂是務。視民如仇。而用之日

用頌曰：執競武王。無競維烈。

孔子語

子西語

存以安身

訓之

軍無日

子西謂

崇壇

取費

與勞逸

臺榭陂池

玩好必從

珍異是聚

觀樂是務

視民如仇

而用之日

此

知矣。通於古。里  
少。亦。四。門。用。之。  
遠。世。之。自。之。據  
必。好。有。如。子。君  
必。以。心。性。如。性。可  
知。矣。矣。若。若。舟  
也。也。人。若。若。也  
水。亦。以。載。舟。也  
亦。以。載。舟。也。心  
此。更。危。危。危。危  
知。矣。

新夫近自敗也。安能敗我。時楚懼吳來侵。故子西云云。與勞逸之與音預共也。

王藻曰。朝辨色始入。君日出而視之。退適路寢聽政。

家語。子曰。行事勿留。○怠惰者時之所以後也。

國語曰。天子大采。衣織也。朝日。與三公九卿祖識地德。

祖習也。日中考政。與百官之執事。師尹惟旅牧相宣序。

民事少采。補衣也。夕月。與太史司載糾虔天刑。日入監。

九卿使潔奉禘郊之粢盛而後即安。季氏婦論勞逸語。

說苑曰。夫天之生人也。蓋非以為君也。天之立君也。

蓋非以為位也。夫為人君。行其私欲而不顧其人民。

是不承天意。忘其位之所宜事也。若此者。春秋不予。

○武王正其身以正其國。正其國以正天下。伐無罪。

刑有罪。一動天下正。其事正矣。春致其時。萬物皆及。

生。君致其道。萬人皆及治。○水濁則魚困。令苛則民。

亂。城峭則必崩。岸竦則必隤。故夫治國譬若張琴。大。

弦急則小弦絕矣。故曰。急轡御者。非千里御也。○晉。

平公問於師曠曰。人君之道奈何。師曠曰。人君清靜。

無為。務在於博愛。取左右賢。開耳目以察萬方。不溷。

溺於俗。不拘係於左右。廓然遠見。倬然獨立。屢省考。

古今類聚 卷一 三十四

績以臨臣下。此人君之操也。

荀子曰。操術約而事彌大。五寸之矩。盡天下之方。故

君不下堂而海內之情舉。積此者。則操術然也。○主

好要。則百事詳。主好詳。則百事荒。

淮南子曰。禹之水。以身解於陽。恥之。河湯之旱。以身

禱於桑林之野。聖人憂民如此勤也。而稱以無為。豈

不悖哉。取音岸○古之立帝王者。非以奉養其欲也。聖

人踐位者。非以逸樂其身也。為天下強掩弱。眾暴寡。

詐欺愚。勇侵怯。懷智而不以相教。積財而不以相分。

天子以齊一之。○神農憔悴。堯癯瘦。舜黧黑。禹

臍脫。由此觀之。則聖人之憂勞百姓可知矣。灌音儻少肉也

嶽音黑面灰又垢也

史司馬相如難蜀曰。夫賢君之踐位也。豈徒委瑣握

蹠。拘文牽俗爾哉。必將崇論閎議。創業垂統。為萬世

規。故馳騫乎無容并包。而勤思乎參天貳地。是以六

合之內。八方之外。浸溥衍溢。懷生之物。有不浸潤於

澤者。賢君耻之。握蹠與齧同

晉慕容廆上書元帝曰。天生蒸民。樹之以君。所以對

越天地。司牧黎元。聖帝明王。知天地。不可以乏饗。故  
屈其身。以奉之。知蒸黎。不可以無主。故不得已。而臨  
之。是以弘振遐風。式固萬世。三五以降。靡不由之。可  
自憐哉。

鍾䟽語曰。繁碎職事。各有司存。人主總而親之。是人  
主愈勞。而人臣愈逸。所謂代庖人宰。而為大匠斲也。

陳高祖紀曰。求衣昧旦。晏食高春。淮南子曰。日經於泉隅。是謂高春。

李彪上高祖䟽曰。立園丘以昭孝。則百神不乏享矣。  
舉賢才以咨酬。則多士盈朝矣。開志誠以軌物。則朝

無佞人矣。敦六順以教人。則四門無凶人矣。制冠服  
以明秩。則典式復彰矣。作雅樂以協人倫。則神人交  
應矣。深慎罰以明刑。則庶獄得衷矣。薄服味以示約。  
則儉德光昭矣。傾府藏以賑錫。則大賚周渥矣。省賦  
役以育人。則編戶巷歌矣。宣德澤以懷遠爾。則華荒  
怵舞矣。

宋務光對大水求直言曰。勤思法宮。凝就大化。以萬  
方為念。不以聲色為娛。以百姓為憂。不以犬馬為樂。  
唐陸贄奏議曰。治或生亂者。恃治而不脩也。亂或資

治者。遭亂而能治也。無難而亡者。忽萬幾之重而忘  
憂畏也。多難而興者。涉庶事之艱而知救慎也。令生  
亂失序之事。不可追矣。其資治興邦之業。在刻厲而  
謹脩之。捨已以從衆。違欲以遵道。斯道甚易知。甚易  
行。不耗神。不劬力。第約之於心耳。

崔羣贊曰。聖人不畏多難。畏無難。何哉。多難之世。人  
人長慮而深謀。日惕于中。猶以為未也。曰吾覆亡不  
暇。又何以安。故能舉天下付之興。畏之也。禍難已平。  
上恬下嬉。曰賢難得。雖無賢。尚可治也。佞可去。雖存

佞。不遽亂也。視漏弗填。忽傾弗支。曰。我曷以喪。故能  
舉天下付之亡。不畏也。憲宗本中主。遭變可與謀始。  
持成不可與共終。崔羣以為相。林甫則治亂已分。其  
言信哉。

楊虞卿諫穆宗曰。自古天子居危思安之心同。而居  
安慮危之心則異。故不得皆為聖明也。

宋胡氏曰。朝以聽政。則公卿在前。諫諍七人。訓告教  
誨。而無怠朝矣。晝以訪問。則多識萬民之疾苦。物情  
之幽隱。而無怠晝矣。夕以備令。則思夫應違慮夫榮

辱莫而後獲。不敢苟也。而無怠夕矣。夜而寢息。則又有鷄鳴之賢妃。卷耳之淑女。警戒相成。不懷宴安。此乃憂勤之事也。憂勤如此。此乃所以端拱無為也。是故勤勞者。非衡石程書。衛士傳餐之謂也。無為者。非遺棄萬務。嘿然兀然之謂也。

前華陽曰。人君以一人之身而御四海之廣。應萬務之衆。苟不以至誠與賢。而役其獨智以先天下。則耳目心志之所及者。其能幾何。是故人君必清心以治之。虛已以待之。如鑑之明。如水之正。則物至而不能

罔矣。夫權誠設而不可欺。以輕重者。唯其平也。繩墨設而不可欺。以曲直者。唯其正也。我以其正。彼以其邪。我以其真。彼以其佞。何患乎邪之不察。佞之不辨也。一為不誠。則心且蔽矣。邪正何能辨乎。是故鑑垢則物不能察也。水動則形不能見也。已不明故也。天下之動貞夫。一朝廷者。四方之極也。非至公無以絕天下之私。非至正無以止天下之邪。人君一不正。其心則無以正萬事。苟以術御下。是自行詐也。何以禁臣下之欺乎。是以術行而欺愈多。智用而心愈勞。

蓋以詐勝詐。未有能相一者也。

胡五峰曰。天下有三大。大本也。大幾也。大法也。大本一心也。大幾萬變也。大法三綱也。有大本。然後可以有天下。見大幾。然後可以取天下。行大法。然後可以理天下。

朱子曰。天下之事。千變萬化。其端無窮。而無一不本於人主之心者。故人主之心正。則天下之事無一不出於正。人主之心不正。則天下之事無一得由於正。蓋不惟其賞之所勸。刑之所威。各隨所向。勢有不能

已者。而其觀感之間。風動神速。又有甚焉。此大舜所以有惟精惟一之戒。孔子所以有克己復禮之云。所以正吾此心。而為天下萬事之本也。此心既正。則視明聽聰。周旋中禮。而身無不正。是以所行無過不及。而能執其中。雖以天下之大。而無一人不歸吾之仁者。是以古先聖王。兢兢業業。持定此心。雖在紛華波蕩之中。幽獨得肆之地。而所以精之一之。克之復之。如對神明。如臨淵谷。未嘗敢有頃臾之急。蓋雖以一人之尊。深居九重之遠。而凜然常若立乎宗廟之中。

古今類用 卷一  
朝廷之上。此先王之治。所以由內及外。自微至著。精粹純白。無少瑕翳。而其遺風餘烈。猶可以為後世法程也。○王者奉三無私以勞天下。三無私。天無私覆。地無私載。日月無私照。

私照

魏鶴山曰。古之人君。以天位為至難至。文師氏

司朝。僕臣正位。太史奉諱。工師誦詩。御瞽幾聲。巫史後先。卜筮左右。人主無一時可縱弛也。虞賓在位。三恪助祭。夏士在庭。殷士在廟。雝民在甸。夷隸在門。人主無一事不戒懼也。蟲飛而會。盈日出而視朝。朝退

而路寢聽政。日出而考政。夕而糾虔天刑。日入而索奉。粢盛然後即安。人主無一刻可暇逸也。后妃御見有度。應門擊柝。鼓人上堂。女史授環。彤管記過。人主無一息可肆欲也。夫以貴為天子。富有四海之內。而自朝至晷。兢兢業業。居內之日常少。居外之時常多。蓋所以養壽命之源。保身以保民也。豈惟可以保民。雖子孫千億。亦自此始。

劉黻上度宗疏曰。天下有道人主以憂勤而忘逸樂。天下無道人主以逸樂而忘憂勤。自古國家久安四



夷賓服。享國日久。侈心漸生。若漢武之單于震讐。而有千門萬戶之觀。唐明皇之北邊無事。而有驪山温泉之幸。至于隋之煬帝。陳之后主。危亡日迫。遊觀無度。何足法也。堯舜禹湯文武兢業憂懼。始終祇勤。無逸言遊畋則不敢。日昃則不暇食。曷嘗有眇忽天下之心哉。讐音攝失氣也

喬行簡告孝宗曰。自古英君。必先治內而後治外。上有厲精更始之志。而士大夫之苟且不務任責者。自若。朝廷有禁苞苴戒貪墨之令。而臣下之黷貨不知

盈厭者自如。紀綱法度多頽弛而未張。賞刑號令皆玩視而不肅。此皆國內之臣子。猶令之而不從。作之而不應。乃欲闔闢乾坤。混一區宇。制奸雄而折戎狄。其能盡如吾意乎。

高廟謂侍臣曰。前代庸君暗主。莫不以垂拱無為藉口。縱恣荒寧。不親政事。而謏佞小人。又逢以主逸臣勞之說。殊不知治天下者。無逸然後可逸。若以荒寧怠政為垂拱無為。帝舜何以曰耄期倦于政。大禹何以惜寸陰。文王何以日昃不食。人君日理萬幾。怠心

一生則無務壅滯。患不可勝言矣。  
待旦同於殷后。曷過乎周文。○農勤於朝。女勤于室。○必  
頌。祈朝必望雨。

新選古今類腋卷一終

新選古今類腋卷之二

君道類二 仁民 事神 任相 馭將 親賢

仁民

坤象曰。君子以厚德載物。○泰象曰。天地交泰。后以財成天地之道。輔相天地之宜。以左右民。○頤象曰。天地養萬物。聖人養賢以及萬民。○剝象曰。上以厚下安宅。○益象曰。損上益下。民說無疆。自上下下。其道大光。○五爻辭曰。有孚惠心。勿問元吉。有孚惠我德。○兌象曰。說以先民。民忘其勞。說以犯難。民忘其

身肉護曰天聰  
明自我民聰明  
天明畏自我民  
明畏。仲魁之  
誥曰。惟天生民  
有欲。無善。乃亂  
。酒誥曰。人無  
於水。鑑。當於民  
鑑。呂刑曰。一  
者。慶。火。民。劫。之

死說之大。民勸矣哉。○夬象曰。君子以施祿及下。居  
德則忌。○係辭曰。與人同者。物必歸焉。

大禹謨曰。德惟善政。政在養民。水火金木土穀。惟脩。  
正德利用厚生。惟和。九功惟叙。九叙惟歌。戒之用休。  
董之用威。勸之以九歌。俾勿壞。罔違道以干百姓之  
譽。罔咈百姓以從己之欲。○可愛非君。可畏非民。衆  
非元后。何戴。后非衆罔與守邦。欽哉。慎乃有位。敬脩  
其可願。○民棄不保。天降之咎。○臯陶謨曰。安民則  
惠。黎民懷之。○五子歌曰。民可近。不可下。民惟邦本。

本固邦寧。○太甲曰。先王子惠困窮。民服厥命。罔有  
不悅。○民罔常懷。懷于有仁。○咸有一德曰。永底蒸  
民之生。○后非民罔使。民非后罔事。無自廣以狹人。  
匹夫匹婦。不獲自盡。民主罔與成厥功。○說命曰。不  
惟逸豫。惟以亂民。○泰誓曰。惟天惠民。惟辟奉天。○  
天矜于民。民之所欲。天必從之。○撫我則后。雷我則  
仇。○洪範曰。天子作民父母。以為天下主。○康誥曰。  
民情大可見。小人難保。往盡乃心。無康好逸豫。○梓  
材曰。無胥戕。無胥奪。至于敬寡。至于屬婦。合由以容。

召誥曰。有王雖小。元子哉。其不能誠于小民。今休用。顧畏于民。暑誠和也勿以小民淫用匪彝。○無逸曰。懷保小民。惠鮮鰥寡。○君陳曰。無依勢作威。無倚法以削。○君牙曰。夏暑雨。小民唯曰怨咨。冬祈寒。小民亦唯曰怨咨。厥唯艱哉。思其艱。以圖其易。民乃寧。○畢命曰。道洽政治。潤澤生民。○大雅泂酌曰。豈弟君子。民之父母。○大雅文王有聲曰。適求厥寧。適觀厥成。○左傳沈尹戌曰。吾聞撫民者。節用於內。而樹德於外。

民樂其性而無寇讐。今宮室無量。人民日駭。非撫之

也。尹戌楚人為楚欲也。城州以挑吳故云。○公將如棠觀魚。臧僖伯諫曰。

凡物不足以講大事。其才不足以備器用。則君不舉

焉。君將納民于軌物者也。不軌不物。謂之亂政。○邾

文公卜遷于繹。史曰。利於民而不利於君。邾子曰。苟

利於民。孤之利也。天生民而樹之君。以利之也。民既

利矣。孤必與焉。左右曰。命可長也。君何弗為。邾子曰。

命在養民。死之短長。時也。民苟利矣。遷也。吉莫如之。

○吳之入楚也。使召陳懷公。懷公朝國人而問焉。曰。

欲與楚者右。欲與吳者左。逢滑當公而進。曰。臣聞國之興也。以福。其亡也。以禍。今吳未有福。楚未有禍。楚未可棄。吳未可從。公曰。國勝君亡。非禍而何。對曰。臣聞國之興也。視民如傷。是其福也。其亡也。以民為土芥。是其禍也。楚雖無德。亦不艾殺其民。吳日敝于兵。暴骨如莽。而未見德焉。天其或者正訓楚也。禍之適吳。其何日之有。陳侯從之。○師曠侍於晉侯。晉侯曰。衛人出其君。不亦甚乎。對曰。或者其君實甚。良君將賞善而刑淫。養民如子。蓋之如天。容之如地。民奉其

君愛之如父母。仰之如日月。敬之如神明。畏之如雷霆。其可出乎。夫君。禘之主。而民之望也。若困民之主。匱神乏祀。百姓絕望。社稷無主。將安之。弗去何為。天生民而立之君。使司牧之。勿使失性。有君而為之貳。使師保之。勿使過度。是故天子有公。諸侯有卿。卿置側室。大夫有貳。宗士有朋友。庶人工商。皂隸牧圉。皆有親暱。以相輔佐也。善則賞之。過則匡之。患則救之。失則革之。自王以下。各有父子兄弟。以補察其政。天之愛民甚矣。豈其使一人肆於民上。以從其淫。而棄

古今類聚 卷三  
天地之性。必不然矣。

表記曰。君天下。生無私。死不厚其子。子民如父母。有  
憫怛之愛。有忠利之教。○哀公問。子曰。古之為政。愛  
人為大。不能愛人。不能有其身。不能安  
土。不能安土。不能樂天。不能樂天。不能成其身。○孔  
子曰。小人溺於水。君子溺於口。大人溺於民。皆在其  
所褻也。夫水近於人而溺人。德易狎而難親也。民可  
敬而不可慢。易以溺人。故君子不可不慎也。禹立三  
年。百姓以仁遂焉。○上好仁。則下之為仁。爭先人。故

長民者。章志貞教。尊仁以子愛百姓。民致行已以說  
其上矣。詩云。有恪覺德行。四國順之。○子以愛之。則  
民親之。信以結之。則民不倍。恭以涖之。則民有孫心。

孫音遜

順也。民以君為心。君以民為體。心莊則體舒。心肅

則容敬。心好之。身必安之。君好之。民必欲之。心以體  
全。亦以體傷。君以民存。亦以民亡。詩云。昔吾有先正。  
其言明且清。國家以寧。都邑以成。庶民以生。誰能秉  
國成。不自為正。卒勞百姓。

周禮。大司徒以保息六。養萬民。曰。慈幼。養老。賑窮。恤

者辭巧于使民造  
父巧于使馬奔不  
窮其民造父不窮  
其馬是以奔無佚  
民造父無佚馬

荀子言民之親不  
歡若父母其好我  
若若柝蘭

貧。寬疾。安富。

家語曰。鳥究也病則啄。獸究則攫。人究則詐。馬究則佚。

自古及今。未有究其下而能無危者也。顏淵對哀公論東野畢之御

白虎通曰。君者羣也。羣下之所歸心。

荀卿子曰。君。舟也。庶人。水也。水能行舟。亦能覆舟。

潛夫論曰。凡人君之治。莫大於和陰陽。夫陰陽者。以

天為本。天心順則陰陽和。天心逆則陰陽乖。天以民

為心。民安樂則天心順。民愁苦則天心逆。

晏子曰。古之賢君。飽而知人之饑。溫而知人之寒。佚

而知人之勞。

新書曰。民者。至賤而不可簡也。至愚而不可欺也。故

自古及於今。與民為仇者。有遲有速。而民必勝之。

淮南子曰。慈父之愛子。非為報也。不可內解於心。聖

人之養民。非求用也。性不能已。○君人者。其慘怛於

民也。國有饑者。食不重味。民有寒者。冬不被裘。歲登

民豐。乃始懸鍾鼓。陳干戚。

說苑曰。聖王布德施惠。非求報於百姓也。郊望禘嘗

非求報於鬼神也。山致其高。雲雨起焉。水致其深。蛟

龍生焉。君子致其道德而福祿歸焉。○河間獻王曰。堯存心于天下。加意于窮民。痛萬姓之罹罪。憂衆生之不遂也。有一民饑。曰。此我饑之也。有一人寒。曰。此我寒之也。一民有罪。則曰。此我陷之也。○哀公問政。孔子曰。薄賦斂。則民富。無事則遠罪。遠罪則民壽。公曰。若是則寡人貧矣。曰。詩云。樂只君子。民之父母。未有其子富而父母貧者也。○太公對武王曰。治國之道。愛民而已。愛民若何。曰。利之而勿害。成之而勿敗。生之勿殺。與之勿奪。樂之勿苦。喜之勿怒。民失其所

殺之也。重賦斂者。則奪之也。多徭役以罷民力。則苦之也。勞而擾之。則怒之也。故善為國者。遇民如父母愛子。兄之愛弟。聞其饑寒為之哀。見其勞苦為之悲。○成王問政於尹逸曰。吾何德之行而民親其上。對曰。使之以時而敬順之。忠而愛之。布令信而不食言。如臨深淵。如履薄冰。王曰。懼哉。對曰。天地之間。四海之內。善之則畜也。不善則仇也。夏殷之民。反仇桀紂而臣湯武。風沙之民。自攻其主而歸神農氏。此君之



所明知也。若何其無懼也。○文中子曰。古者聖王在上。田里相距。雞犬相聞。人至老死。不相往來。蓋自足也。是以至治之代。五典全。五禮措。五服章。人知飲食。不知蓋藏。人知羣居。不知愛敬。上如標枝。下如野鹿。何哉。蓋上無為。下自足故也。

史古公語邠民曰。有民之君。將以利之。今戎狄所為。攻戰。以吾地與民。民之在我。與其在彼。何異。民欲以我故。戰殺人父子而君之。予不忍為。

賈生過秦論曰。夫策者利短褐。而饑者甘糟糠。天下之磬磬。新主之資也。此言勞民之易為仁也。先王見始終之變。知存亡之機。是以牧民之道。在安之而已。天下雖有逆行之臣。必無嚮應之助矣。故曰安民可與行義。而危民易與為非者。此之謂也。

呂后本紀載后語曰。上有懽心以安百姓。百姓欣然以事其上。懽欣交通。而天下治。

魯仲連對新垣衍曰。秦者。棄禮義而上首功之國也。權使其士。虜使其民。過而為政於天下。以遇惡吾不

忍為之民也。

嚴安諫武帝伐匈奴曰。五伯既沒。賢聖莫續。天子孤弱。諸侯恣行。田常篡齊。六卿分晉。並為戰國。此民之始苦也。於是強國務改。弱國備守。合縱連衡。馳車擊轂。至秦王蠶食天下。并吞戰國。一海內之政。元元黎民。逢明天子。人人自以為更生。嚮使秦緩其刑罰。薄賦歛。省繇役。貴仁義。賤權利。變易風俗。化於海內。則世世乂安矣。

漢刑法志曰。不仁愛。則不能羣。不能羣。則不勝物。不勝物。則養不足。羣而不足。爭心將作。上聖卓然。先行

敬讓博愛之德者。衆心說而從之。從之成羣。是為君矣。歸而徃之。是為王矣。

王符愛日篇曰。化國之日舒以長。故其民閑暇而力有餘。亂國之日促以短。其民困窮而力不足。舒長者。非謂義和安行。乃君明民靜。而力有餘也。促短者。非為分度減橫。乃上闇下亂。力不足也。

文帝議賑貸詔曰。方春時和。草木羣生之物。皆有以自樂。而吾百姓鰥寡孤獨窮困之人。或阡於危亡。而莫之省憂。為民之父母。將何如。

阡音占又音店危也

魯恭上疏曰。萬民者天之所生。天愛其所生。猶父母愛其子。一物有不得其所者。則天氣為之舛錯。况於人乎。

吳役繁民耗。駱統上疏曰。夫國之有民。猶水之有舟。停則以安。擾則以危。愚而不可欺。弱而不可勝。是以聖王重馬。

晉紀總論曰。天下大器也。羣生重畜也。愛惡相攻。利害相奪。其勢常也。若積水於防。燎火於原。未嘗暫靜也。器大者不可以小道治。勢重者不可以爭競擾。古

先哲王知其然也。是以扞其大患。禦其大灾。百姓皆知上德之生已。而不謂浚已以生也。是以感而應之。

悅而歸之。如晨風之鬱北林。晨風。魚龍之趣藪澤也。

然後設禮文以理之。斷刑罰以威之。謹好惡以示之。

審禍福以喻之。求明察以官之。尊慈愛以固之。故衆

知向方。皆樂其生而哀其死。悅其教而安其治。浚取也。

宋武紀史論曰。役已以利天下。堯舜之心也。利已以

及萬物。中主之志也。盡民命以自養。桀紂之行也。

宋頽延之庭誥文曰。服温厚而知穿弊之苦。明周之

德厭滋旨而識寡噍之急。仁恕之功。噍口欲食也。齊威公夜半不噍。

使人求於易牙

隋史臣論曰。其動也思以安之。其勞也思以逸之。是以民致時雍。師無怨讟。誠在於愛利。故其興也勃焉。後魏甄琛表曰。一家之長。惠及子孫。一運之君。澤流天下。

甄琛上高祖表曰。古之王者。世有其民。或水火以濟其用。或巢宇以誨其居。或教農以去其饑。或訓衣以除其敝。故周詩稱教之誨之。飲之食之。皆所以撫覆

導養為之求利者也。

北齊文宣詔曰。無德而稱。代刑以禮。不言而化。先春

後秋。故知惻隱之化。天人一揆。弘宥之道。古今同風。

後周文帝詔曰。民亦勞止。則星動於天。作事不時。則

石言於國。故知為政欲靜。靜在寧民。為治欲安。安在

息役。

樂遜上閔帝書曰。夫政之於民。過急則刻薄。傷緩則

弛慢。是以周失舒緩。秦敗急酷。民非赤子。當以赤子

遇之。

古今類聚 卷二  
唐魏徵疏曰。王政本於仁恩。所以愛民俗厚之意。以  
英武定天下。而又以刑威肅天下。非仁也。

魏徵諫太宗冊鄭仁基女曰。人君處臺榭。則欲民有  
棟宇。食膏粱。則欲民有飽適。顧嬪御。則欲民有室家。  
宇文獻替曰。民可安而不可擾。利可通而不可竭。

劉蕡策曰。夫欲人之仁壽也。在立制度。脩教化。夫制  
度立。則財用省。財用省。則賦歛輕。賦歛輕。則人富矣。  
教化脩。則爭競息。爭競息。則刑罰清。刑罰清。則人安  
矣。既富矣。則仁義興焉。既安矣。則壽考至焉。仁義之

心感於下。和平之氣應於上。故災害不作。休祥荐臻。  
四方底寧。萬物咸遂。

宋程子曰。事事物物各有其所。得其所則安。失其所則  
悖。聖人所以能使天下順治。非能為物作則也。惟止  
之各於其所而已。止之不得其所。則無可止之理。○  
王者高拱於穆清之上。而化行於裨海之外。何脩何  
飾而致哉。以純王之心行純王之政爾。老吾老以及  
人之老。幼吾幼以及人之幼。此純王之心也。使老者  
得其養。幼者得其所。此純王之政也。○先王之世。以

古今類賦 卷三  
道治天下。後世只是以法把持天下。○民可明也。不可愚也。民可教也。不可威也。民可順也。不可張也。民可使也。不可欺也。

張子曰。大都君相以父母天下為主道。不能推父母之心於百姓。謂之王道可乎。所謂父母之心。非徒見於言。必須視四海之民如已之子。設使四海之內皆為已之子。則講治之術。必不為秦漢之少恩。必不為五霸之假名。○井田而不封建。猶能養而不能教。封建而不井田。猶能教而不能養。封建井田而不肉刑。建而不井田。猶能教而不能養。封建井田而不肉刑。

猶能教養而不能使。然此未可遽行之。

范華陽曰。民莫不惡危而欲安。惡勞而欲息。以仁義治之則順。以刑罰治之則拂矣。故治天下在順之而已。拂之而能治者。未之聞也。

尤袤上疏高宗曰。天地之氣。宜通則和。壅遏則乖。人心之機。舒暢則悅。抑鬱則憤。

刁衍對真宗曰。治大器者。執一以正其度。保衆畜者。齊化以臻其原。莫神於天。莫富於地。莫大於帝王。乘地而揔萬物以承天也。則可不慎思慮以安民。係慘

舒而被物。

真西山曰。世之言政者。有曰寬以待民而嚴以馭姦民也。或曰撫民當寬而束吏貴嚴也。或曰始嚴而終之以寬也。然則治人之術。其果盡於此乎。吾患不能存吾心焉耳。吾之心存。則蘊之為仁義。發之為惻隱羞惡。隨物以應而無容心焉。則寬與嚴在其中矣。且獨不觀諸天乎。熙然而春。物無不得其生者。凜然而秋。物無不遂其成者。是果孰為之哉。曰陰與陽而已。人知天道之妙若是。而不知吾之所謂仁義者。即天之陰陽也。怵惕於情之所可矜。願泚於事之所可愧。此固有之良心而非由外鑠者也。吾能存之。則天理渾然。隨感輒應。於其當愛者憫惻施焉。非吾愛之也。仁發乎中而不能不愛也。於其當惡者懲艾加焉。非吾惡之也。義動乎中而不能不惡也。吾之愛惡。以天不以人。故雖寬而寬之名不聞。雖嚴而嚴之迹不立。以之治人。其庶矣乎。或者患國勢未張。而欲振以威刑。患財用未豐。而欲益以聚斂。謂誠信不如權譎。謂忠厚不如刻深。有一于茲。皆伐國之斧斨。蝨民之填。

膳也。

元陳天祥疏曰。國家之與百姓。上下如同一身。民乃國之血氣。國乃民之膚體。

高廟語侍臣曰。為治之道有緩急。治亂民不可急。急

之則益亂。撫治民不可擾。擾之則不治。故烹鮮之言。

雖小可以喻大。治繩之說。雖淺可以喻深。○高皇

覽輿圖語侍臣曰。地廣則教化難周。人衆則拊摩難

徧。○高廟曰。治民猶治水。治水者順其性。治民者

順其情。

生繁年於枯美。青皇肌于朽骨。

舞虞舜之干。示人不殺。祝成湯

之網與物求生。乃邪凱案。非悅。鐘

鼓之娛。天下歸仁。非

感玉帛之惠。民

心思漢王即假之

而有餘。民心去漢

孔明扶之。而不足

成湯以解網。念

造六百年之商。至

成廟宥軍士初犯罪者。曰。天不於惡木廢發生。君不

於小人忘矜恤。○文皇謂寒義陳瑛曰。為國牧民

莫切於守令。守令賢則一郡一邑之民有所恃。而不

得其所者寡矣。如其不賢。當速去之。

王子充曰。赤子無欲而必遂其所。有欲。赤子不言而

必會其所。無言。是以聖人之宰萬民。務在通其志。聖

人之制萬物。貴乎全其天。

劉基曰。魚無定止。淵深則居。鳥無定栖。林茂則赴。

事神



鼎豕曰聖人烹以享上帝。○觀辭曰。盥而不薦。有孚  
顛若。○萃豕曰。王假有廟。致孝享也。用大牲吉。利有  
攸往。順天命也。○升爻曰。孚乃利用禴。禴薄祭。○升爻  
象曰。王用享于岐山。順事也。○困爻象曰。利用享祀。  
受福也。○渙象曰。先王以享于帝。立廟。○既濟爻曰。  
東隣殺牛。不如西隣之禴。祭實受其福。

燔典曰。肆類于上帝。禋于六宗。望于山川。徧于羣神。  
肆陳也。○至于岱宗。柴望秩于山川。燔柴而望。○歸格于藝  
祖。用特。○太甲曰。鬼神無常享。享于克誠。○說命曰。

黷于祭祀。時謂弗欽。禮煩則亂。事神則難。○祖已曰。

王司敬民。罔非天胤。典祀無豐于昵。胤音蔭。○泰誓曰。

郊祀不脩。宗廟不享。○微子命曰。恪慎克孝。肅恭神

人。○酒誥曰。弗惟德馨香祀。登聞于天。○洛誥周公

曰。王肇稱殷禮。祀于新邑。咸秩無文。○絜祀于上下。

絜敬也。○多士曰。記功宗。以功作元祀。記群臣之功。大者首祀之。○

自成湯至于帝乙。罔不明德恤祀。○君陳。我聞曰。至

治馨香。感于神明。黍稷非馨。明德惟馨。

明。○楚茨曰。靖共爾位。正直是與。神之聽之。介爾景福。○

其督

以享以祀以妥以侑。祝祭于祊。祀事孔明。孔惠孔時。

惟其盡之。子子孫孫。勿替引之。祊廟門內惠時順時也。○爾殽

既將。○雲漢曰。靡神不舉。靡愛斯牲。圭璧既卒。寧莫

我聽。宣王禱旱也。○周頌清廟曰。於穆清廟。肅雝顯相。濟

濟多士。秉文之德。對越在天。駿奔走在廟。不顯不承。

無射於人斯。○我將我享。維牛維羊。惟天其右之。儀

式刑文王之典。日靖四方。伊嘏文王。既右享之。嘏音與假

格同至也。○懷柔百神。及河喬嶽。○肅肅在宮。雖雖在廟。

○周頌豐年曰。為酒為醴。烝畀祖妣。以洽百禮。降福

孔皆。○大雅思齊曰。惠于宗公。神罔時怨。神罔時恫。

○大雅旱麓曰。清酒既載。騂牡既備。以享以祀。以介

景福。

左傳武子曰。神不享非類。民不祀非族。衛成公以夢欲祀鄆甯武

子止之云云。○有神降于莘。號公享焉。神錫之田土。史嚚

曰。國將興。聽于民。將亡。聽于神。神聰明正直而一者

也。依人而行。號多涼德。其何土之能得。

楚武王侵隋。使遠章求成焉。隨侯將許之。季梁止之

曰。天方授楚。楚之羸。其誘我也。君何急焉。臣聞小之

能敵大也。小道大淫。所謂道忠於民而信於神也。土  
思利民忠也。祝史正辭信也。今民饑而君逞欲。祝史  
矯舉以祭。臣不知其可也。公曰。吾牲牷肥腍。粢盛豐  
備。何則不信。對曰。夫民神之主也。是以聖王先成民  
而後致力於神。故奉牲以告曰。博碩肥腍。謂民力之  
普存也。謂其畜之碩大蕃滋也。謂其不疾癘蠹也。謂  
其備脂咸有也。奉盛以告曰。絜粢豐盛。謂其三時不  
害而民和年豐也。奉酒醴以告曰。嘉栗旨酒。謂其上  
下皆有嘉德而無違心也。所謂馨香無諛慝也。故務

其三時修其五教。親其九族。以致其禋祀。於是乎民  
和而神降之福。故動則有成。今民各有心。而鬼神乏  
主。君雖獨豐。其何福之有。君姑脩政而親兄弟之國。  
庶免於難。道忠之道音導疾蠹。皮毛無疥也音助禮。○晉侯渡假道於虞

以伐虢。宮之奇諫。公曰。吾享祀豐絜。神必據我。對曰。  
臣聞之。鬼神非人實親。惟德是依。故周書曰。皇天無  
親。惟德是輔。又曰。黍稷非馨。明德惟馨。又曰。民不易  
物。惟德絜物。如是則非德。民不和。神不享矣。神所馮  
依。將在德矣。若晉取虞而明德以薦馨香。神其吐之。

乎。弗聽。宮之竒以其族行。曰：虞不臘矣。在此行也。晉不更舉矣。○齊侯疥，遂疢。期而不瘳。梁丘據與裔款請誅祝史，以告晏子。晏子對曰：「若有德之君，外內不廢，上下無怨，動無違事，其祝史薦信，無愧心矣。是以鬼神用饗，國受其福。祝史與焉。其所以蕃祉老壽者，為信君使也。其言忠信於鬼神，其適遇淫君，外內頗邪，上下怨疾，暴虐淫從，肆行非度，無所還忌，不思謗讟，不憚鬼神，神怒民痛，無悛於心。其祝史薦信，是言罪也。其蓋失數美，是矯誣也。進退無辭，則虛以求媚。」

是以鬼神不饗其國，以禍之。祝史與焉。所以天昏，人疾者，為暴君使也。其言僭慢於鬼神。公曰：「然則若之何？」對曰：「不可為也。山林之木，衡鹿守之；澤之萑蒲，舟鮫守之；藪之薪蒸，虞侯守之；海之鹽蜃，祈望守之。縣鄙之人，入從其政，偪介之關，暴征其私，承嗣大夫，強易其賄，布常無藝，徵歛無度，宮室日更，淫樂不違，民人苦病，夫婦皆詛，祝有益也，詛亦有損。聊攝以東，姑尤以西，其為人也多矣。雖其善祝，豈能勝億兆人之詛。君若欲誅於祝史，修德而後可。」

疢，發語辭，猶惟也。瘳，瘡疾音占，頗偏。

類月  
類音讀謗也痛怨也萑音九易震為萑葦詩萑葦  
歲歲丹鉛總錄萑葦蘆之小而嫩者鮫人居水中出  
人間賣絹蒸亦樵  
薪也詩以薪以蒸

郊特牲曰社所以神地之道也地載萬物天垂象取  
財於地取法於天是以尊天而親地也故教民美報  
焉○郊之祭也迎長日之至也大報天而主日也兆  
於南郊就陽位也掃去地而祭於其質也器用陶匏  
以象天地之性也於郊故謂之郊牲用犢貴誠也卜  
郊受命于祖廟作龜于禰宮尊祖親考之義也○萬  
物本乎天人本乎祖此所以配上帝也○神之所饗

也主人自盡其敬而已矣○籩豆之薦水土之品也  
不敢用常褻味而貴多品所以交於神明之義也非  
食味之道也先王之薦可食也而不可者嗜也卷衣  
冕路車可陳也而不可好去聲也宗廟之器可用也而  
不可便其利也所以交於神明者不可同於所安樂  
之義也酒醴之美玄酒明水之尚貴五味之本也黼  
黻文繡之美疏布之尚反女功之始也莞篲之安而  
蒲越活橐鞞之尚鞞音割明之也大羹不和和貴其質  
也大圭不琢美其質也丹漆雕幾初之美素車之乘

去尊其樸也。所以交於神明者，不可同於所安褻之甚也。○祭義曰：樂以迎來，哀以送往。故禘禴有樂，而嘗無樂。禘春祭，春萬物發生，故感而致齊於內。散齊於外。齊之日，思其居處，思其笑語，思其志意，思其所樂，思其所嗜。齊三日，以上三齊俱音齋乃見其所為齊者。祭之日，入室，僂然必有見，現乎其位。周還出戶，肅然必有聞乎其容聲。出戶而聽，愀然必有聞乎其歎息之聲。○致愛則存，致愆則著。著存不忘乎心，夫安得不敬乎？○唯聖人為能饗帝，孝子為能饗親。饗者

鄉也。鄉之然後能饗焉。鄉音向○薦其薦俎，序其禮樂，備其百官，奉承而進之。於是諭其志意，以其恍惚以與神明交。庶或饗之。孝子之志也。孝子之祭也，盡其慤而慤焉，盡其信而信焉，盡其敬而敬焉，盡其禮而不過失焉。進退必敬，如親聽命，則或使之也。孝子之祭可知也。○凡治人之道，莫急於禮。禮有五經，莫重於祭。夫祭者，非物自外至者也，自中出生於心者也。心怵黜而奉之以禮，是故唯賢者能盡祭之義，賢者之祭也，必受其福，非世所謂福也。福者備

也。備者百順之名也。無所不順者之謂備。言內盡於  
已而外順於道也。忠臣以事其君。孝子以事其親。其  
本一也。上則順於鬼神。外則順於君長。內則孝於親。  
如此之謂備。唯賢者能備。能備然後能祭。是故賢者  
之祭也。致其誠信與其忠敬。奉之以物。道之以禮。安  
之以樂。參之以時。明薦之而已矣。○君子履之。必有  
怵惕之心。如將見之。○外則盡物。內則盡志。此祭之  
心也。是故天子親耕於南郊。以共齊盛。王后蠶於北  
郊。以共純緇服。諸侯耕於東郊。亦以共齊盛。夫人蠶

於北郊。以共冕服。天子諸侯。非莫耕也。王后夫人。非  
莫蠶也。身致其誠信。誠信之謂盡。盡之謂敬。敬盡然  
後可以事神明。此祭之道也。

國語曰。夫神以精明臨民者也。故求備物。不求豐大。  
是以先王之祀也。明德以昭之。和聲以聽之。○楚昭  
王有疾。卜曰。河為祟。王弗祭。大夫請祭諸郊。王曰。三  
代命祀。祭不越望。江漢淮漳。楚之望也。禍福之至。不  
是過也。不穀雖不德。河非所獲罪也。遂弗祭。孔子曰。  
楚昭王知大道矣。其不失國也宜哉。

史文帝詔曰。昔先王遠施不求其報。望祀不祈其福。右親左戚。先民後已。至明之極也。今聞祠官祝釐。皆歸福於朕躬。不為百姓。朕甚媿之。○封禪書曰。自古受命帝王。曷嘗不封禪。蓋有無其應而用事者矣。未有睹符瑞見而不臻乎太山者也。雖受命而功不至。至梁父矣。而德不洽。洽矣。而日有不暇給。是以即事用希。○古之封禪。鄒山之黍。北里之禾。所以為盛。江淮之間。一茅三脊。所以為藉也。東海致比目之魚。西海致比翼之鳥。然後物有不召而自至者。十有五焉。

今鳳皇麒麟不來。嘉穀不生。而欲封禪。毋乃不可乎。

此述管仲對齊桓公桓公欲封禪管仲止之云云

○自五帝以至秦。軼興軼

衰。名山大川。或在諸侯。或在天子。其禮損益世殊。不可勝紀。及秦并天下。令祠官所常奉。天地名山大川鬼神。可得而序也。軼。迭古通用。

司馬相如封禪遺文曰。夫脩德以錫符。奉符以行事。不為進越。故聖王弗替。而脩禮地祇。謁歎天神。勒功中嶽。以彰至尊。舒盛德。發號榮。受厚福。以浸黎民也。皇皇哉。斯事。天下之壯觀。王者之丕業。不可貶也。



封禪書載文帝詔曰。海內乂安。人民靡疾。皆上帝諸神之賜也。古者饗其德。必報其功。

梁許懋封禪議曰。夫封禪者。不出正經。惟存傳說。禹會諸侯於塗山。執玉帛者萬國。亦不謂為封禪。鄭玄有參柴之風。不能推尋正經。專信緯候之書。斯為謬矣。蓋禮云。因天事天。因地事地。因名山升中於天。享帝於郊。燔柴岱宗。即因山之謂矣。故曲禮云。天子祭天地。是也。

隋禮儀志曰。封禪者。高厚之謂也。天以高為尊。地以厚為德。增太山之高。以配天也。厚梁甫之基。以報地也。明天之所命。功成事就。有益於天地。若天地之更高厚云。

五行志曰。脫畧政教。張羅罇糈。崇信巫史。重增愆罰。昔懷王事神。而秦兵逾進。萇弘尚鬼。而諸侯不來。

禮樂志曰。五帝者。五行之精。所以生九穀也。故祈穀于帝。

梁鎮諫營南山曰。休咎豐凶。本於五事。不在山川百神。彼營祠者。動衆則得人。興工則獲利。祭祀則受胙。

主執則市權。害民瀆神。無時而息。

唐李藩對憲宗問祈禳曰。漢文帝每祭。敕有司敬而不祈。使神無知。則不能降福。有知。固不可私已求媚而悅之也。且義於人者和於神。人乃神之主。人安而福至。

宋張子曰。知神而後能饗帝饗親。見易而後知神。是故不聞性與天道。而能制禮作樂者。未矣。

謝上蔡曰。陰陽交而有神。形氣離而有鬼。知此者為智。事此者為仁。

